

Von Messen vnd theilen des Erdtrichs/
Ecker/vnnd Felder / in was form vnd gestalt
die seyn. Durch H. Jacob Köbel be-
schrieben.

Jacob Köbel Stattschreiber zu Oppenheim/
wünscht dem Leser viel heyls/Vnd gemeynem
nuß ein ehrlich / friedlich Regiment.

Diel vnd mancherley Kunst/die vns nütz-
lich vnd fruchtbarlich erschiessen mögen / auch
brüderlich vnnd friedlich zu leben vnderweisen/
haben vnser Vorfarn mit grosser scharpffsinnig-
keit vnd hohem fleiß ersucht / vns angezeigt vnd
verstendiget / Vnder denen nit die vnachtbarst/
auß der Geometren gezogen/wie man das Erdtrich / die Ecker/
Weingarten/Wiesen/Berge vnd Thale/zc.vnderscheiden/thei-
len vnnd messen solle / welche kunst ich jeko auff meine vorige zu-
sag/in meinem ersten Rechenbüchlin/soviel dem Acker vnd Bau-
mann zu täglichem gebrauch notturfst/einen leichten anfang vnd
vnderrichtung/wie ich das auß Isidoro/ Plinio/ Julio Firmico/
Boetio/ Barrone/Lucio Columella/Victruuio/zc.gesogen/vnd
hiernach inntruck geben hab. Bitt / diß mein herfürbracht kin-
disch wercklin/ für ein ersten anfang /nit schmezlich anzutasten/
sonder fleissig mit verstand durch lesen/ vnd wo es zu bessern/brü-
derlich vñ freuntlich straffen /bessern vnd mehrē/Nit mit kirren-
den zenen dargegen greßgrammen/vnnd darinn mehr gemeynen
nuß vnd lob/dann engen stolz bedencken / so wirt folgen/das der/
so ein ding bessere/mehr dann der es funden hat / zu loben ist. Das
mit sey allein Gott ehre vnnd lob / vnnd gemeynem nuße ewiger
friede/Amen.

A ij Ursprung!